

**MODERNISACION TA
MANTENE NOS NA
VANGUARDIA: ALTO VISTA
SU TANKI DI AWA NOBO**



WWW.SOLODIPUEBLO.COM



SOLODIPUEBLO@GMAIL.COM

MARÍA CORINA MACHADO A SALI DEN BOTO FOR DI VENEZUELA PA CURACAO



Fraccion MEP na Hulanda: **CURACAO Y SINT MAARTEN A CUESTIONA MINISTER GEOFFREY WEVER**

Con bo ta papia di mas flexibilidad anto bo ta
opta pa rijkswet!



Den e prome edicion di Cruise Connect **APA A TOPA CU TUR PARTNER ENVOLVI DEN E INDUSTRIA DI CRUCERO**



SETAR TA ANUNCIA SU CHRISTMAS CAMPAIGN “E MAGIA DI CONEXION”

Pa e dushi temporada di Fin di Aña, SETAR tin su Christmas Campaign “E Magia di Conexion” cu varios promocion valido te cu 31 di december 2025.

Tur cliente cu cumpra AWG 25 of mas na cualkier Teleshop, cera cualkier contract nobo, upgrade of renoba, of paga digital sea via Pay.aw, SETAR App, Online Banking, Direct Debit of nos Self-Service Kiosk ta participa pa drenta den nos SETAR Snow Globe y gana premionan al instante! Entre otro, mas cu AWG 10.000 cash, Smart TVs, Apple Watch, Gift Cards y mucho mas!

6 di januari 2026, SETAR ta anuncia e cinco ganadornan cu lo drenta e SETAR Snow Globe dia 9 di januari 2026 pa gana premio: Mas bo gara, mas bo gana!

Cumpra nos One Bundle pa 1 dia, 7 dia of 30 dia awo cu mas data, mas minuut, mas SMS y unlimited Facebook, Instragram, WhatsApp y Snapchat valido pa e duracion di e bundle cumpra. Keda conecta cu bo famia y amistadnan cu One Bundle di SETAR.

Biaha awo sin stress! Busca cualkier pakete di Roaming di 7 dia, sea Data Roaming, Dutch Kingdom Roaming of International Roaming y ricibi 1 GB di Data gratis! E 1GB di Data Roaming gratis ta valido pa 1 dia. Bishita nos website www.setar.aw pa mas informacion di e paisnan cu ta inclui den cada pakete di Roaming.

Scoge, combina y celebra cu Pick & Choose! Combina 2 servicio di cas y ricibi e instalacion gratis! Valido pa clientenan nobo of existente cu no tin e



servicio di Pick & Choose y aplica pa un contract di 2 aña. Aplica prome cu 12 di december y ricibi adicional e di 12 luna di contract gratis!

Sinti e ambiente di Fin di Aña, tur dia! Scucha cancionnan di Pasco riba bo TV na canal 476 Holiday Hits y canal 470 Felices Fiestas. Ademas

durante e dianan di fiesta, nos clientenan cu pakete basico di Cable por disfruta di mas canalnan cu programacion pa henter famia, esta canal AWE, H&H, TLC, Magnolia, Food Network y HGTV.

Tambe SETAR tin varios gadgets den stock, manera earbuds, speakers y smart watches, pa e regalo ideal.

Pasa bishita un di nos Teleshopnan pa wak e variacion cu tin.

Bishita nos website <https://www.setar.aw/christmasbrochure25/> pa haya sa mas di nos Christmas Campaign y sigui nos riba Social Media pa keda al tanto di tur informacion y promocion.

PAGO DI KINSENA 01/2026 DEN DESEMBER 2025

Willemstad- pa medio di e komunikado aki Minister di Desaroyo Sosial, Labor i Bienestar, sra. Charetti America-Francisca, na nòmber di Gobièrnu di Kòrsou ta informá tur kobraadó di ònderstant ku:

Kinsena 01/2026 ta wòrdu pagá dia 23 desèmber 2025

E bónus di fin di aña lo wòrdu pagá riba 12 di desèmber 2025

Minister ta enkurashá tur kobraadó di onderstant pa disfrutá di e temporada i usa nan sèn na un manera responsabel.

Felis Pasku yena ku dicha i felisidat i un próspero aña 2026, ta deseonan di Minister Charetti America-Francisca.

Clasificados

SOLODIPUEBLO@GMAIL.COM
CEL.585 9500

MARÍA CORINA MACHADO A SALI DEN BOTO DI FOR VENEZUELA PA CURACAO



CARACAS – Segun corant mericano Wall Street Journal, e lider ganadora di eleccion di Venezuela, Maria Corina Machado a sali for di su pais. El a sali pa

Curacao riba un boto den un operativa secreto.

E Instituto Nobel na Noruega a duna Machado e Premio Nobel di

Pas. Diaranson mainta su yiu muhe a acudi e ceremonia na Noruega. Machado mes no a logra di yega e pais na tempo. Funcionarionan Mericank a bisa e the Wall Street

cu den un operativa sekcrerk el a sali di Venezuela i yega Curacao. For di Curacao el'a sali rumbo Noruega.

Fraccion MEP Na Hulanda: CURACAO Y SINT MAARTEN A CUESTIONA MINISTER GEOFFREY WEVER

Con bo ta papia di mas flexibilidad anto bo ta opta pa rijkswet!

ORANJESTAD - Minister Geoffrey Wever tabata na Hulanda e siman aki pa participa na un congreso relaciona cu 70 aña di Statuut di Reino.

Presente tabata tambe representantenan di gobierno y parlamento di Aruba, Curacao y Sint Maarten.

Su presentacion tabata tocante e relacion cu CAft, cu segun Wever ta un hopi bon relacion.

Na final di su presentacion el'a informa cu gobierno di Aruba ta trahando riba un rijkswet cu mester duna Aruba mas flexibilidad. Esey tabata e momento cu e sala a practicamente rementa y di tur skina

a cuminsa cuestiona minister Geoffrey Wever si e ta realisa kiko e ta haciendo. Con bo kier mas flexibilidad y bo ta opta pa un ley di reino, cu ta e instrumento di ley mas inflexible den Reino!

Parlamentario Edgard Vrolijk tambe a haci pregunta, na momento cu e minister a bisa cuestiona por sali di e rijkswet despues di 7 aña, siendo aki na Aruba a bisa cuestiona por ta 3 aña. Eynan parlamentario Vrolijk a pidi'e pa splica articulo 42 di e ley di reino cu ta stipula cu mester cumpli cu 20 condicion prome cu por sali.



Minister y Parlamentarionan di Curacao tambe tabata hopi skerpi den nan preguntanan na minister Geoffrey Wever, varios pregunta e no por a

contesta. Minister Geoffrey Wever tabata hopi nervioso y a haci un hopi mal papel na Hulanda.

E'l a bandona e congreso mesora tambe y no a

bolbe mas. Ta di spera cu e experiencia aki por cuminsa habri wowo di esnan cu ainda ta bringa pa e ley di reino, pa realisa cu nos mester keda mas leu posibel di e ley aki.

COMISION DI RETIRO TA BAHAM CU RECES

ORANJESTAD - Director di Departamento di Labor y Investigacion ta ricibi conseho di Comision di Retiro cu ta delibera ariba tur peticion di retiro entrega na Departamento di Labor y Investigacion pa un of mas dunado di trabao cu e meta pa por ricibi un permiso pa termina un relacion di trabao cu un of mas trahado. Un comision independiente cu ta consisti di representantenan di organisacion

di dunado di trabao y representantenan di e mundo di sindicato (Artikel 3 Landsverordening Beëindiging Arbeidsovereenkomsten).
Na tur cliente di Departamento di Labor y Investigacion cu tin caso relaciona cu e permiso aki ta anuncia cu e Comision di Retiro ta bai cu vacacion entrante 15 di december 2025 te 12 di januari 2026.

Tur peticion pa por termina un relacion di trabou ta keda den proceso. Casonan cu ta rekeri pa bai Comision di Retiro y cu ta pendiente di e proceso di contradeci (verweerproces) lo mester tene cuenta cu un retraso den esaki. Januari 2026 tur caso pendiente lo wordo entrega na Comision di Retiro.

TA CERA PETICION PA WERK-BOEK.

ORANJESTAD - Director di Departamento di Labor y Investigacion ta informa cu en conexion cu dianan di fiesta venidero, lo acepta y procesa peticion relaciona cu werkboek te cu diabierna 12 di december 2025.


Dia 5 di januari 2026 lo cuminsa ricibi peticion y procesa werkboek bek.

Departamento di Labor y Investigacion ta pidi disculpa pa cualquier inconveniencia cu esaki por trece cune, y ta desea pueblo di Aruba un feliz y saludabel dianan di fiesta.

 DEACI Departamento di Asuntonan Economico, Comercio y Industria Prijsnan Maximo			
Conforme regulacion ministerial a keda stipula prijsnan maximo di benta pa e siguiente productonan, entrante 9 december 2025			
Articulo/Marca	Contenido	Prijs maximo di benta na e detallista (Afl)	Prijs maximo di benta na e consumidor (Afl)
<u>a.Eetbareolie.</u> MAZOLA -corn oil -vegetable oil	Gelezen: 6/96 oz.	183.59	36.19
	6/128 oz.	259.90	51.24
<u>b.Koffie.</u> NESCAFE -clasico xi -gold signature jar	Gelezen: 24/47.5 gr.	127.78	6.53
	24/95 gr.	230.01	11.75
	12/95 gr.	189.67	19.37
	6/200 gr.	178.36	36.44
<u>c.Mixed Vegetables.</u> EL SEMBRADOR -mixed vegetables	Gelezen: 12/16 oz.	54.24	5.59
	12/32 oz.	100.95	10.40

FIN DI AÑA TA DUSHI... PERO CUIDA BO MES

E fiestanan ta serca y tur caminda bo ta wak e imagen ta wordo pinta cu hopi gezelligheid manera bunita luz, dushi cuminda y momentonan perfecto. Pero hopi hende ta experiencia e otro banda tambe: mas presion, mas compromisonan, mas di cosnan cu “mester”. Prome cu bo por bisa tur hende “bon pasco” ya e temporada aki ta sinti mas mane un marathon y menos mane un temporada di sosiego y reflexion.



Titulo dedica na Aruba “Salud na Bo Salud”

HOH CU JINGLE DI FIN DI AÑA HUNTO CU JEON Y CORO TUTTI FRUTTI



Horacio Oduber Hospital tambe ta encanta e sentimento y emocion cu fin di aña ta trece

cune y pues pa di 5 aña consecutivo ta lansa su jingle compaña pa un videoclip. Ya ta conoci cu



banda di ta profesional den brinda cuida di calidad na comunidad di Aruba y tambe nos bishitantenan, den e 1300 coleganan tin hopi otro talento tambe. Riba 10 di December pa exactamente 12or di merdia a lansa e jingle compaña pa su videoclip y e biaha aki e artista cu a carga e cantica ta nos artista local Jeon cu a wordo compaña pa nos muchanan di Coro Tutti Frutti dirigi pa e maestra Maybelline Arends-Croes. E jingle ta hiba e titulo: ‘Salud na bo Salud’, cu ta un titulo perfecto pa nos Hospital y loke nos como HOH ta desea henter comunidad di Aruba.

Desde luna di april ya e titulo di e cancion ‘Salud na bo Salud’ tabata scirbi den e notanan di departamento di Marketing y Comunicacion. E idea di involucra un coro di mucha tambe tabata un deseo grandi y asina a acerca Jeon y di biaha e no a duda pa join e team

di HOH hunto cu cu Coro Tutti Frutti pa hunto nan haci magia. Na luna di augustus a sinta cu Rygel Isabella y un bes mas su talento y creatividad a ser demostra den e tremendo produccion aki. Un jingle cu na comienso ta dunabo un sentimento di nostalgia, emocion y tambe tranquilidad, sigui pa ambiente cu gana di baila y celebra! E letranan ta di nos artista Jeon y sigur den e cancion e la destaca tur loke HOH ta representa. Algun letra di e cancion ta “Si un dia bo ta bo so, Nos ta cuidabo, Y si bo logra, NOS a logra, Nos ta stimabo!” Tambe tin letra cu ta bisa “Hunto nos ta canta, Pa tur hende wak e luz, Nos ta baila, Salud na bo Salud.”

E resultado di e videoclip un bes mas ta unico ilustrando nos hendenan di HOH cu ta traha laat anochi, nos muchanan hunto cu Jeon cu ta duna un sentimento di nostalgia, nos coleganan

cu ta gusta celebra bida y t’ey 24/7 pa cuida bo salud. Un videoclip diferente, creativo y yena di inspiracion pa Aruba completo cu un bes mas tabata den man di e team dinamico di Marketing y Comunicacion di HOH hunto cu Gleison Mateus Moreira.

Durante añanan anterior HOH a traha cu diferente artista local manera e legendarionan di Grupo di Betico, Rocco Franken y Atanero y e aña aki Hospital a uni cu Jeon y nos muchanan di Coro Tutti Frutti. Danki, danki y mas danki na nos artistanan local di e aña aki y tur colega cu a participa un bes mas den haci e jingle y videoclip ‘Salud na bo Salud’ un realidad.

Pa disfruta di e tremendo jingle cu su videoclip di 2025 por subi tur HOH su medianan social manera Facebook, Youtube y mas y gosa hunto cu nos!

MODERNISACION TA MANTENE NOS NA VANGUARDIA: ALTO VISTA SU TANKI DI AWA NOBO INAUGURA



Gobierno di Aruba, Minister encarga cu Energia, mr. drs. Arthur Dowers, hunto cu WEB Aruba y partner tecnico Florida Aqua Store, a inaugura oficialmente e tanki di awa nobo na Alto Vista, un instalacion vital pa garantiza un suministro di awa confiabel y di calidad halto pa area do Noord y e sector turistico. “Nos tin experticio, nos tin un manera di traha solido, y nos ta riba e caminda corecto pa garantiza awa confiabel pa tur generacion,” Minister Dowers a bisa.

Un proyecto mionario pa fortifica suministro. Den su discurso, Minister Dowers a enfatisa cu Aruba ta trahando firmamente pa modernisa su infraestructura pa red di sistema di awa: “E importancia di un tanki manera esaki ta pa garantiza awa di calidad halto cu por yega sin

interupcion na tur cas y tambe na nos sector turistico. Nos mester ta prepara pa futuro, pa demanda cu ta crece, y pa desafio climatico.” E minister tambe a gradici WEB Aruba pa su consistencia y profesionalismo den un proceso tecnico cu no tabata sin reto. Progreso y reto tecnico supera cu exito. WEB Aruba a splica cu e tanki nobo, traha di glass-fused-to-steel y cu un capacidad di 18.800 m³ (6.500 m³ mas grandi cu esun bieu), tabata un proyecto desafiante.

Durante 2024 progreso tabata fuerte, pero ora cu tabata cla pa yena, lekkage den e fundeshi di beton a surgi. Despues di investigashon, a tuma un decision tecnico fundamental: reemplasa completamente e fundeshi pa un sistema di staal, un solucion moderno y

duradero. Minister Dowers a elogia e “tremendo teamwork” cu a permiti cu e tanki nobo finalment te drenta den operacion den manera sigur. Apresiasi pa e comunidad di Alto Vista

Minister Dowers y WEB Aruba a gradici e habitantenan di Alto Vista pa nan pasenshi durante e trabounan. Como muestra di aprecio, WEB a haci donacion di un conexion di awa gratis na Kapel di Alto Vista pa sostene e toiletan.

Modernisacion continua di Aruba su red di awa. Minister Dowers a confirma cu e programa “Upgrade Aruba Water Distribution Network” ta sigui:

- Reemplaso di tankinan di Jaburibari y Urataka
- Construccin di un tanki nobo na Juana Morto

ARUBA TOURISM AUTHORITY CONHUNTAMENTE CU ARUBA PORTS AUTHORITY NV TA YAMA BONBINI NA MS RENAISSANCE DURANTE SU BISHITA INAUGURAL NA ARUBA



Dialuna dia 8 di december, Aruba Tourism Authority (A.T.A.) conhuntamente cu Aruba Ports Authority NV (APA NV) a yama bonbini na MS Renaissance durante su bishita inaugural na Aruba bou di su number nobo. Aunke esaki ta marca su prome bishita oficial como MS Renaissance, e no ta prome biaha e barco mes ta bishitando nos isla. E barco tabata nabega bou

di e number MS Maasdam cu ta parti di Holland America Line. E barco a bishita Aruba pa prome biaha den 1993 y a sigui regresa pa decadan. E

MS Renaissance a yega completamente decora cu tema di Pasco, agregando un ambiente festivo pa huespednan, tripulante y representantenan local. Awor bou di operacion di Ambassador Cruise Line,

MS Renaissance a yega cu 1.017 pasahero y 502 tripulante, ofreciendo un experiencia di crucero clasico y mas priva. E biahe aki ta consisti principalmente di huesped cu tin mas cu 50 aña. Un gran parti di huesped ta bini for di Hulanda y Reino Uni, via un colaboracion cu Corendon.

Un punto importante di su despliegue regional ta su modelo di embarcacion flexibel, cu ta permiti huespednan cuminsa su crucero for di tres isla Caribense. E prome ta

Bridgetown, Barbados, sigui pa Willemstad, Curacao, y e di tres isla cual ta Basse-Terre, Guadeloupe.

Pa honra e bishita inaugural, un ceremonia di intercambio di plakkaat a tuma lugar abordo di e barco. E tradicion maritimo aki ta simbolisa colaboracion y fortalecimiento di laso entre e compania di crucero y e destino. Representando APA NV na e ceremonia tabata Mario Arends, Chief Commercial Officer, conhuntamente cu Monica

Bos, Cruise Manager, di A.T.A., y Maureen Palm representando agencia di waf Maduro & Sons. Capitan Simon, un lider maritimo cu tin hopi experiencia y cu a bishita Aruba durante decadan, tambe tabata presente na e ceremonia.

Aruba ta spera di por sigui yama bonbini na MS Renaissance pa mas bishita den futuro, continuando un relacion maritimo cu a cuminsa mas cu 30 aña pasa y cu awor lo continua bou di un number nobo.

Den e prome edicion di Cruise Connect

APA A TOPA CU TUR PARTNER ENVOLVI DEN E INDUSTRIA DI CRUCERO



Recientemente a tuma luga e prome Cruise Connect 2025, unda tur stakeholder clave den e industria di turismo, a bin hunto pa intercambia informacion y pensamento. E evento a tuma luga den ballroom di Embassy Suites Hotel y a conta cu autoridadnan di waf, di turismo, Ministerio di Turismo, cu departamentonan di gobierno cu tin un rol den e industria aki y mas cu claro cu e partnernan comercial, tanto e empresanan grandi, esunnan mediano y hasta e chikitinnan. Tur hunto a repasa e cifranan di e aña aki y a anticipa riba e temporada halto cu nos ta aden actualmente.

Marc Figaroa, CEO di Aruba Ports Authority N.V. (APA), tabata orguyoso di e evento, di e organizacion, di e atencion y especialmente di e forma con partnernan por a intercambia informacion, adapta maneho y pone tur esfuerso hunto pa por tin un industria crucero mas resiliente. El a splica cu conhuntamente cu Aruba Tourism Authority a organisa e prome Cruise Connect. Durante e encuentro aki a topa y scucha tur partner y stakeholder den e industria di crucero. Ta e intencion pa organisa Cruise

Connect tur aña.

Pa APA ta importante pa por informa entre otro e tour operator, taxi, companianan di transporte y negoshinan chikito cu ta depende di turismo crucero, sea directamente of indirectamente, di kico ta e desaroyonan cu tin nos dilanti. APA ta ricibi hopi informacion for di e lineanan di crucero ora di reuni cu nan y ta importante tambe pa informa e partnernan di e feedback cu ta ricibi di e destinacion y pa asina nos tur sigui colabora pa Aruba keda un di e miho y preferi destinacion den Caribe.

Mescos cu e aña aki, otro aña atrobe ta muestra di ta bon pa turismo crucero. Te cu awo reservacionnan ta indica cu lo surpasa e reservacionnan di aña 2025. E 'high season' ta satura caba pero tin espacio pa traha riba e 'low season'. Si mira e low season di 2025, por a nota un crecemento compara cu e 2024, pero e ta keda un reto pasobra e ta depende di e cruceronan mes cu durante e temporada ey ta aloca e barco pa itinerarionan manera Alaska, Baltico y Mediterraneo. Ta bon pa splica cu den e lunanan cu tin



horcan den Caribe, e companianan crucero ta manda nan barconan pa otro regionnan. Esey ta haci cu ta dificil pa nos haya cruceronan akibanda pasobra di tur forma e demanda, den e lunanan ey, ta menos.

ATA ta un partner strategico di APA

Patrick Melchior, Destination Services Manager na ATA, a duna di conoce cu Cruise Connect ta un plataforma cu ta hopi importante pa brinda informacion cu un enfoca riba turismo crucero. Aruba Tourism Authority hunto cu Aruba Ports Authority N.V. ta bay tur conferencia y reunion cu lineanan crucero. Pa e motibo aki e Cruise Connect ta masha importante. E demanda pa Aruba ta keda halto, den bon colaboracion por yega na e metanan y obtene e resultadonan

desea.

Comercio ta depende di e turista crucero

Jonathan Harms, representante di Pepe Margo Distillery, a destaca cu e tabata un oportunidad pa haya informacion pa sa mas tocante e industria crucero na Aruba. Durante e conferencia a haya sa kico tur e turista ta buscando y cu e bishitantenan mas bien ta en busca di experiencia y autenticidad. Pa Pepe Margo Distillery, e informacionnan ricibi tabata positivo pa tende cu loke nan ta haciendo ta algo cu tin un mercado p'e! Crecemento di turismo ta mas potencial pa entrada pero alabes mester crece di un manera sostenibel. Harms ta spera cu e crecemento ta bay di manera cu tur hende por tin beneficio di dje.



Informacion valioso pa adapta maneho


Gino Winklaar, miembro di e Management Team di Departamento di Transporte Publico (DTP) tambe a atende e Cruise Connect. E rol di Departamento di Transporte Publico ta pa tene cuenta cu e capacidad di turismo y e proyecionnan di APA pa cu turismo crucero. DTP ta tene cuenta cu e permisionan di transporte publico manera taxi y bus. APA ta enfocando riba 'luxury tourism' pues DTP mester tene cuenta cu kisas lo mester amplia e espacio pa transporte di luho. Ademas, tambe DTP ta tene cuenta si tin necesidad pa mas auto di huur como tambe si e capacidad di taxi ta suficiente.

Polis t'ey pa brinda seguridad



Juan Tromp, Hefe di Tourism Oriented Police, a splica cu e rol di Cuerpo Policial ta pa traha den colaboracion estrecho cu tanto APA y ATA pa coordina ora turista baha for di e crucero pa garantiza cu e turista ta sintie sigur na momento cu ta riba nos Aruba. Siguridad ta algo primordial pa Cuerpo Policial y ta premira cu den futuro cada distrito lo tin su mesun TOP pa garantiza cu tin polis pa tur caminda cu tin turista. Ta bon pa splica cu e rol di polis ta tanto na tera pa garantiza seguridad di e turistanan, paden di waf pa garantiza seguridad den areanan protegi y riba lama pa tambe garantiza seguridad di e crucero mes.

Tocante Aruba Ports Authority: A funda Aruba Ports Authority N.V. na aña 1981. E compania ta



pertenece 100% di Gobierno di Aruba y tin 80 trahado den servicio directo. Hunto ta maneha e dos wafnan di Aruba, pues tanto esun di crucero na Oranjestad como tambe esun di carga na Barcadera, unda nan tin un acuerdo di operacion cu ASTEC. Na aña 2024, APA a maneha 347 crucero na Oranjestad y un otro 905 barco di carga na Barcadera (sin conta barkitos y launch services), prome cu e pandemia. E compania ta stabiel y ta bou maneho di Marc Figaroa.

RONELLA CROES, CEO DI ARUBA TOURISM AUTHORITY, HONRA CU PREMIO PA SU LIDERAZGO FOR DI CARIBBEAN MEDIA EXCHANGE



Dia 7 di december a tuma luga ceremonia di Caribbean Media Exchange Leadership Awards na Miami, Florida. Caribbean Media Exchange (CMEx) ta un plataforma regional cu ta traha pa fortalece colaboracion den Caribe. E ta un evento cu ta reuni profesionalnan, media y influenciadornan pa discuti topiconan importante manera turismo, cultura y asuntonan social. E evento tambe ta honra distinguido lidernan

pa nan liderazgo cu ta influencia turismo, cultura y crecimiento den Caribe. Aki a honra Ronella Croes, Chief Executive Officer di Aruba Tourism Authority (A.T.A.) cu un Leadership Award. “Mi ta berdaderamente honra di ricibi e reconocimiento. Danki di curason na henter e ekipo di CMEx pa esaki. Mi ta gradicido tambe pa e reconocimiento cu tabata entre un grupo di lidernan asina excepcional y pa ta parti di tur esnan honra e

aña aki, pa tur dedicacion pa sigui eleva nos region. Para entre nan, ta yena mi cu un orguyo inmenso. Mi pasion pa e industria di biahe y hospitalidad semper a guia mi”, esey tabata e prome reaccion di Ronella Croes relaciona cu e reconocimiento aki. Ronella Croes a inicia su etapa como un directora di turismo cu 27 aña di edad, un hoben impulsa y determina pa haci un diferencia. Mas cu dos decada despues, e ta privilegia di a sirbi dos

destinacion den Caribe, e ta keda comprometi na guia e siguiente generacion di lidernan. “Ta importante pa muestra hobennan, cu nan tambe por lidera cu confiansa, impulsa cambio significativo y tin un impacto duradero den comunidad”, el a sigui bisa.

algo nobo y pa adapta. Na A.T.A., e modelo ta enfoca riba turismo responsabel. A.T.A. ta sumamente orguyoso di nan CEO, Ronella Croes, pa su liderazgo, compromiso y dedicacion na Aruba y su turismo.

Despues di mas cu dos decada den e industria, por a nota cambio den hopi forma. Como cu mundialmente e sentimento a cambia y destinacionnan a mira un aumento den sobreturismo, e industria ta yama awo pa brasa

Clasificados

SOLODIPUEBLO@GMAIL.COM
CEL. 585 9500



Cede di BBQ Cushina di Nestor

Diadomingo 7 di dec.

Menú

- Ham di pasco
- 1/2 galinja jena
- Roast beef mushroom sauce
- Lomito mushroom sauce
- Bbq mix
- Galinja
- Loinribs
- Lomito
- Pincho
- Special
- Salada batata
- Aros con pollo

**Pa pedido por jama
riba 7497071.**
Of pasa na Siribana 45b St Cruz.

Nos kier desea un y tur un
felis dianan di fiesta

ARUBA TA CELEBRA DIA INTERNACIONAL DI DERECHONAN HUMANO

ORANJESTAD: Riba dia 10 di december Aruba ta uni cu resto di mundo den celebracion di Dia Internacional di Derechonan Humano, conmemorando e adopcion di e Declaracion Universal di Derechonan Humano di Nacionnan Uni na 1948. Cada aña ta enfoca riba un tema specifico y e aña aki esaki ta “Nos Derechonan Esencial Diario”, resaltando con derechonan humano ta un parti esencial di nos bida diario. Especialmente den e periodo aki di turbulencia y incertidumbre, unda cu hopi ta experenciando un sentido creciente di inseguridad, malcontento y aislamiento, e tema di Dia di Derechonan Humano ta destina pa reafirma y demostra cu ainda e balornan di derechonan humano

Aruba Celebrates Human Rights Day: Our Everyday Essentials

On December 10, 2025, Aruba joins the world in observing International Human Rights Day. This year's theme, "Our Everyday Essentials," reaffirms that fundamental rights—from clean water to non-discrimination—are a vital part of daily life for everyone.

The 2025 Theme: Our Everyday Essentials



What Are 'Everyday Essential' Rights?

Access to clean water, food, education, healthcare, and freedom from discrimination.



A Reaffirmation of Core Values

In uncertain times, human rights promote inclusion, equality, and social justice.



Join the Observance on December 10th

Reflect on your rights and help build a just and fair society.



How Rights are Protected in Aruba



A Strong Legal Framework

Rights are protected through both local legislation and international treaties.

Key UN Treaties Applicable in Aruba



Civil and Political Rights

1986



Economic, Social and Cultural Rights

1986



Rights of the Child

2001

ta keda un escogencia importante pa humanidad. Derechonan Humano ta toca cada aspecto di nos bida diario, desde acceso na awa limpi, alimentacion, enseñansa y cuido di salud, te na libertad

di discriminacion y e derecho pa por participa plenamente den sociedad. Na Aruba, e derechonan aki ta wordo protegi door di leyman local y tratadonan internacional, pa asina tur hende por biba cu dignidad y igualdad. Tratadonan internacional importante di derechonan humano di Nacionnan Uni cu ta aplicabel na Aruba ta entre otro:

- Tratado Internacional di Derechonan Civil y Politico (1986)
- Tratado Internacional di

Social y Cultural (1986)

- Convencion riba Derechonan di Mucha (2001)
- Convencion riba Eliminacion di Tur Forma di Discriminacion Racial (1986)
- Convencion riba Eliminacion di Tur Forma di Discriminacion Contra Hende Muher (1991)
- Convencion di Nacionnan Uni riba Derecho di Lama (2014)

Departamento di Relacionnan Exterior (DBB) ta haci un yamado na un y tur: gobierno,

scolnan y comunidad en general, pa para keto riba e importancia di derechonan humano den e bida cotidiano y pa traha hunto riba inclusion, igualdad y husticia social. Riba 10 di december nos ta encurasha bo pa relfexiona y pensa riba bo mesun derechonan y con abo ta contribui na un sociedad mas husto. Ta participe y demostra cu Derechonan Humano ta nos dechonan esencial!



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - December 10, 2025



Sorteo # 4829

5367
1165
4112

X2

BIG 4

Sorteo # 4829

0001

FP

OFF

Sorteo # 2885

1786

ZODIAC

Sorteo # 4829

3504
Scorpio

LUCKY 3

Sorteo # 1703

036

X2



Sorteo

0 x Jackpot	
0 x Match 4+	
0 x Match 4	
0 x Afl. 12,00	

Joker Letter
Proximo Jackpot
425.000,-



Sorteo

0 x Jackpot	
0 x Match 4	
0 x Afl. 8,00	

Proximo Jackpot
55.000,-



Sorteo

0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	

Mega Ball
Proximo Jackpot
320.000,-



Afl. 420.000,-



Sorteo




Our Daily Essential Rights: Human Rights Day in Aruba

International Human Rights Day (Dec 10)

Understanding Human Rights Day



December 10
A Day for Human Rights




Universal Declaration of Human Rights in 1948
Commemorates the adoption of the Universal Declaration of Human Rights in 1948.



2025 Theme: "Our Daily Essential Rights"
A reminder that human rights are an essential, winning choice for humanity.

Rights in Your Daily Life



Your Rights Protected in Aruba



Reflect, Participate, and Act!

Work together for inclusion, equality, and social justice in our community.



Data Table

International Covenant on Civil and Political Rights	1986
International Covenant on Economic, Social and Cultural Rights	1986
Convention on the Elimination of All Forms of Racial Discrimination	1986
Convention on the Elimination of All Forms of Discrimination against Women	1991
Convention on the Rights of the Child	2001

Derechonan Economico, organisacionnan,

E efectonan di alcohol riba e sistema nervioso

Alcohol ta un droga cu ta legalisa y acepta socialmente. Es mas, tta e droga mas extendi di mundo y nos ta uz'e cu frecuencia den reunion, get-to-gether cu amigonan, cenanan familiar, etcetera.

Sin embargo, nos conoce e efectonan di alcohol? E efectonan di alcohol ta cuminsa cu un sensacion di excitacion y euforia cu ta haci nos sinti miho ora cu nos cuminsa consumi'e.

Pa desgracia, hopi hende ta uz'e pa desinhibi of pa calma. Sin embargo, e efectonan real den nos organismo no ta nada bon.

Alcohol ta un toxico cu por provoca alteracion den henter nos sistema. Tambe, tin hopi enfermedad cu ta relaciona cu e ingesta cronico di e substancia aki.

Por ehempel, alcohol ta asocia fuertemente cu e disfuncion hepatico. E realidad aki a extende entre e poblacion; no obstante, poco hende conoce e efectonan di alcohol riba nos sistema nervioso, por ehempel.

Den e articulo nos lo bay splicabo.

Cualnan ta e efectonan di alcohol? E efectonan di alcohol den e sistema nervioso por produci tanto di forma agudo como cronico.

E cantidad ingeri y e tempo cu ta mantene e situacion aki ta determinante. Di forma general, nos ta distingui entre e intoxicacion agudo y alcoholismo cronico.

Intoxicacion agudo

Intoxicacion agudo ta produci ora cu den un periodo corto di tempo, ta ingeri cantidadnan hopi grandi di alcohol.

Na principio, e intoxicacion aki ta produci sintomanan agradabel, manera e desinhibicion cu nos a menciona anteriormente.

Di un otro banda, ta necesario menciona cu, aunke hopi hende ta uza alcohol pa socialisa, otronan ta afecta di manera contrario.

Hopi persona por bira agresivo y iritabel. Sin embargo, e efectonan di alcohol den e caso aki, por causa un coma etilico.

Esaki ta un estado di perdida di



conciencia debi na e substancia aki cu por yega na pone e bida na riesgo.

Entre e efectonan di alcohol ta destaca cu ta un depresor di nos sistema respiratorio. Esaki kiermen, cu den e casonan aki, por yega na produci morto pa un fayto den e respiracion.

Alcoholismo

Alcoholismo ta tuma luga ora cu un persona ta sinti un necesidad imperioso di ingeri alcohol cu ta conduci na haci'e constantemente. Un di e efectonan di alcohol ta cu e ta capas di produci dependencia fisico. Esaki ta haci cu e alcoholiconan ta sufri sintomanan di abstinencia ora cu e no por tum'e.

Alcoholismo ta asocia na otro procesonan cu, ora combina, ta haci cu ta desaroya cierto trastornan neurologico grave.

E circunstancianan ta:

- Mayoria di e alcoholiconan tin deficitnan nutricional y falta di vitamina.

- Ta afecta otro organonan manera e higra. Numeroso estudio ta demostra cu e degeneracion hepatico por causa daño den e sistema nervioso.

- Ta hopi comun cu ta produci golpi y traumatismonan craneal pa motibo di e causa di e efectonan di alcohol. Esaki por provoca hematoma y hemorragianan den e cerebro cu tambe su

funcionamento ta bay deteriorando.

Pa tur esaki, e efectonan di alcohol den e sistema nervioso ta wordo traduci den numeroso enfermedadnan. A continuacion nos lo splicabo di esunnan mas destaca.

Efectonan di alcohol: e enfermedadnan neurologico

Demencia

Casi 10% di e alcoholiconan cronico ta sufri di demencia. Esaki ta implica cu e personanan aki ta sufri un deterioro di tur nan funcionnan cognitivo, manera memoria y e habilidadnan social.

Den e casonan aki, e persona ta perde e capacidad di realisa actividadnan compleho. Tambe por provoca cambionan den su personalidad y den su estado di animo.

Degeneracion di e cerebelo

E cerebelo ta un parti di nos sistema nervioso cu ta encarga di e coordinacion muscular y otro movimentonan cu nos ta realisa involuntariamente.

Ta calcula cu rond di un 50% di e alcoholiconan ta sufri daño den esaki. Nan ta caba teniendo dificultadnan pa papia, pa cana y hasta cuminsa tin temblamento.

Polineuropatia alcoholico

Otro di e efectonan di alcohol ta polineuropatia alcoholico. E ta un enfermedad caminda cu algun nervio ta degenera y no por mantene corectamente su funcionnan.

E ta asocia na un falta di vitamina secundario na e ingesta di alcohol. E personanan aki ta cumins a perde forsa den su miembronan gradualmente. Ademá, ta sinti parestesias (sensacion di grawatashi den e cuero) y dolor den e mesun miembronan.

Na final, e ta afecta e forma di cana.

Efectonan di alcohol: e sindrome di Wernicke-Korsakoff

E patologia aki ta produci un alteracion di e conciencia cupor yega hasta den coma. E ta wordo causa pasobra e cerebro no ta metabolisa corectamente e glucose y ta acumula cierto substancianan toxico den dje.

Concluyendo

E efectonan di alcohol den e sistema nervioso ta varia y compleho. Ta importante sa cu e ta produci daño tanto ora cu ta limita na un intoxicacion agudo como ora cu e persona ta alcoholico di manera cronico.

P'esey, si bo ta kere cu bo tin un adiccion na alcohol of bo ta bebe frecuentemente, purba di aleha di dje.

Tanto bo dokter, como numeroso gruponan di apoyo cu ta existi awendia por yudabo.



MINISTER GEOFFREY WEVER Y COMISION PRO CUNUKERONAN ARUBIANO TA FIRMA UN MOU PA FORTIFICA SECTOR PRIMARIO Y IMPULSA SEGURIDAD ALIMENTICIO



Oranjestad, 9 december 2025 — Comision Pro Cunukeronan Arubiano (CPCA), bou liderzgo di Sr. Jair Britten y Minister di Finansa, Asuntonan Economico y Sector Primario, mr. Geoffrey Wever, a firma oficialmente un Memorandum of Understanding (MoU), marcando un paso importante pa fortalece e sector di agricultura y cria di bestia tradicional na Aruba. E MoU ta formalisa e colaboracion cu a inicia durante e reunion constructivo na november ultimo, ora cu e comision a presenta e desafionan urgente cu ta stroba e crecimiento y profesionalisacion di e sector, y e acuerdo nobo ta establece un aliansa structural entre gobierno y e actornan principal di nos agricultura tradicional pa traha riba accion concreto y resultado real cu ta contribui na un Aruba

mas fuerte, resiliente y duradero.

Durante e intercambio anterior, e comision a presenta un lista amplio di obstaculonan structural, incluyendo entre otro e gasto halto y acceso limita na awa, e presion persistente di importacion barata cu ta pone desbentaha riba produccion local, e gasto eleva pa cuminda di bestia, e falta di sosten tecnico pa prepara cunucu, problema di brote di enfermedad di bestia, nesecidad critico pa renobacion genetico y e daño constante causa pa di cachonan di caya. E MoU ta confirma cu gobierno y e Comision lo traha hunto pa implementa solucion cu impacto directo, cubriendo entre otro e promocion di un acceso structural y pagabel na awa pa agricultornan y criadonan, e bahamento

di derechonan di importacion pa cuminda di bestia, e fortificacion di sosten tecnico y operacionnan di DLVV, e mehoracion di salud di bestia y acceso na remedi, e implementacion di pruebanan pa renobacion genetico y preparacion pa compra di genetico nobo den 2026, e creacion di un punto central di benta pa producto local y pa trata e problema di cachonan di caya manera un prioridad nacional.

Durante e acto di firmamento, Minister Wever a enfatisa cu e MoU ta un paso importante den e transicion strategico di Aruba pa un sector primario moderno y robusto. Minister Wever a declara cu e reunion di november a duna claridad riba unda e problema ta, y cu e firmamento di e MoU ta move e proceso pa un fase di



compromisonan formal y accion concreto. E acuerdo aki ta un instrumento pa implementa solucionnan real pa e sector, pa fortalece siguridad alimenticio y pa honra e rol vital di nos cunukeronan den sostene Aruba.” Minister Wever a reafirma cu e Ministerio ta compromete pa colabora estrechamente cu e comision y partnernan relevante pa logra resultadonan concreto, den linea cu e meta di e Programa di Gobernacion AVP-FUTURO 2025-2028.

E firmamento di e MoU ta consolida tambe un compromiso mutuo pa fortifica e base di agricultura tradicional di Aruba. Segun Minister Wever, “Nos cunukeronan ta un parti esencial di seguridad alimenticio

y independencia di Aruba. E acuerdo di awe ta pone fundeshi pa un cooperacion mas fuerte y structural, orienta riba futuro.” E comision, representa pa presidente Jair Britten y su directiva, a expresa su reconocimiento pa e formalisacion di un aliansa cu lo yuda eleva e sector y amplia e bos di agricultornan den formulacion di politica nacional.

Cu e MoU firma, Aruba ta pasa pa un fase nobo di colaboracion, transparencia y accion structural den maneho di e sector primario. Minister Wever y e comision lo sigui traha riba fortificacion di produccion local, impulsa siguridad alimenticio y preservacion di un parti vital di nos identidad y resiliencia nacional.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

TIENDA DI EDUCACION: AMOR INCONDICIONAL

Tin amor propio, tin amor pa bo prohimio pero tambe tin amor pa bo yiu(nan) cu ta un amor incondicional. Luna di februari ta conoci pa ta e luna di amor y amistad. Como mayor tur dia ta un dia di duna amor pa sea e baby e mucha of e adolescente. No solamente cu palabra, pero tambe cu hecho nos por demostra cu di berdad nos ta stima nan. Ta importante pa ora di muestra nan e amor cu nos tin pa nan pa busca e contacto visual pa asina confirma y fortifica e palabranan di stimacion.

Amor incondicional
Kico nicifa amor incondicional realmente? Amor incondicional significa un amor caminda no ta conoce limite of no tin condicion mara na esaki. E por wordo yama tambe amor cu compassion of wordo asocia cu amor completo. Pensa ariba e amor cu bo mayor(nan) kisas tabata of tin pa bo y naturalmente e amor cu abo mes como mayor tin pa e yiu(nan). Como mayor ta importante pa duna amor na e yiunan pero esaki no significa cu lo laga e yiu(nan) haci locual cu nan kier. Pues mester



pone regla y limitacion cerca e yiu(nan) pa nan mesun proteccion. Esaki tambe ta

parti di amor y lo mester wordo practica di un edad jong of for di baby caba.

Tin organisacion grandi internacional cu por ehempel tin otro metanan di existencia y no tur ora ta cuadra cu e meta di duna of informa e comunidad, kisas pa por bende un servicio of producto.

HEFE DI REGISTRO CIVIL Y CENSO TA ANUNCIA LO SIGUIENTE:

ORANJESTAD - Peticionnan pa (re-) inscribi den Registro di poblacion a conoce un subida drastico. Pa e producto aki Censo a yega su capacidad maximo.

Ademas di e subida drastico a bin ripara cu tin un mal uzo tumando lugha cu e sistema di haci cita online (afsprakensysteem) especificamente pa e producto inschrijving.

Pa e motibo aki Censo a cera temporalmente e posibilidad completo pa haci cita online pa cu e producto 'inschrijving'. Esaki lo habri bek den un siman. E sistema di cita a haya cierto funcionalidad di seguridad extra y lo monitor esaki.

Ta pidi tur hende cooperacion pa cu lo siguiente:

1. **NINGUN HENDE MESTER PAGA PA HACI UN CITA.** Esaki ta totalmente gratis y accesibel pa tur hende! Bo mes por haci esaki of laga un hende yudabo. **NO PAGA PA ESAKI** y ban yuda **STOP E**

ABUSO AKI!!

2. Pone bo e-mail personal valido y bo lo ricibi un código. Abo mes pone e código cu bo a ricibi den bo mail pa e cita por wordo confirma.

3. Si nos ripara cu ta un hende cu ta cobra a haci e cita, esaki lo wordo anula.

4. Si ta resulta cu ainda bo permiso no ta cla ora di a haci e cita, tambe bo cita lo wordo anula.

Haci bo cita **SOLAMENTE** ora bo permiso ta cla, tur bo papelnan ta na ordo y bo ta na Aruba caba!

Ta pidi cooperacion pa cancela bo cita si bo hayabo stroba di asisti pa asina otro por haya chens. Asina nos tur ta coopera cu otro pa haya un cita.

BAN STOP cu e abuso aki di laga hende cobra pa cita paso esaki ta gratis. Pagando bo ta aportando na stroba e servicio pa un y tur. Pa tur cos por cuminsa cana manera debe ser locual ta regarda e producto aki, nos tur mester coopera pa asina Censo por keda brinda e servicio cu nos tur conoce.

Kisas ta dificil pa bisa e mucha un no of cu no por. Pero nan tin cu siña deal cu esaki. Ta importante pa duna e yiu(nan) na un momento asina un splicacion pakico. Tambe si tin posibilidad pa duna un of mas alternativa of opcion ariba locual no ta posibel. Papiá tocante amor y intimidad

Ta importante cu mayor comunica y papiá tocante di amor for un edad hoben cu e yiu(nan). Pregunta(nan) lo surgi for di e mucha(nan) tocante e topico y lo yega un dia cu e mucha of hoben lo tin tambe sentimiento di amor y intimidad. Esaki pa hopi mayor kisas ta un topico dificil pa papiá cu e yiu(nan). Si mayor tin dificultad pa papiá tocante intimidad y sexualidad semper por acudi of comunica cu Tienda di Educacion.

Nos ta bibando den un era caminda cu informacion ta tur caminda, e cuestion ta si acaso e informacion ta esun corecto. Vooral ora ta trata mucha of hoben ta importante pa nan sa cu no tur informacion ariba internet ta cuadra cu e realidad. Ta bon pa busca e fuente di unda e informacion ta bin.

Tienda di Educacion
Mayor bo no ta para pa e retonan aki boso. Ta tareanan cu por muestra dificil pero Tienda di Educacion t'ey na disponibilidad di comunidad di Aruba pa duna abo e sosten y guia gratis. Por contact Tienda di Educacion na 161 cu ta disponibel di dialuna pa diabierna di 8 am pa 6 pm non-stop.

Tambe por like nan Facebook page keda informa y tambe comunica di nan serviccionan.

Tienda di Educacion ta situa den edificio di Centro pa Hoben y Famia na Sabana Blanco 68-C y ta na servicio di henter comunidad. Nos muchanan ta nos futuro. Ban crea un futuro caminda cuida propio ta wordo practica constantemente.

Clasificados

SOLODIPUEBLO@GMAIL.COM
CEL. 585 9500

SOLO
Di Pueblo

SOPÍ DI LETRANAN

U D D U L C E S H P D C M X M S C P T Y
M A S C A R A E I S U Q B O O K M S H G
R K H R C Y G G H W L F C S N F J P E U
C A L A B A Z A Q F T M I F S F W U C O
E S Q U E L E T O F Y U O P T H I U H W
S T R A G N Q S Q X B E B U R K X I I J
V G R Q F H K W O R G R R T U M B A Z O
Y F R L A D T Y M O G T U K O P X G O E
V X L N N I R L O D N E J M S H O A U N
T Q R A T S U F T X N C A C E Y J T A O
V V J J A F C B P I H K P C O V W O G U
L J W O S R O G U L R U Z P H F D E M R
N T X B M A C H T L L U X H F U Z U A N
Q K X J A Z V Y V A M P I R O I M U G Q
V G S C X D M I E D O Z Q M B K C E I E
A R I Y A C Z I Z Z J L H L C D W C A N

1. BRUJA

2. ESQUELETO

3. DISFRAZ

4. MASCARA

5. MIEDO

6. TUMBA

7. MAGIA

8. MONSTRUO
9. TRUCO

10. FANTASMA

11. HECHIZO

12. DULCES

13. MUERTE

14. CALABAZA

15. VAMPIRO


16. GATO

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			



Oracion di dia

Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e cerca Mi'. (Huan 6, 44)

Cristo ta bisa cu ta via di Dios so un hende por yega cerca dJE. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y seucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaias y ora el a compronde el a wordo batisa mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.

FORTALEZA PA FAMIA
Scirbi pa Pastor Marcel Balootje.

APRECIA Y BALORA BO LIBERTAD TUR MOMENTO

Tabata ayera mainta, cu tabatin e ciere di anja na KIA, dunando Spirituele y Sociale Begeleiding, cu mi por a ripara un biaha mas, cuanto dolor ta haci ora hende perde nan libertad, y hopi biaha pa cos cu no tin e balor, hechonan cu a wordo cometi cu despues hende ta bin lamenta seriamente.

Especialmente ora e fin di anja ta yega y cu bo ta sera aki Aruba leu for di bo sernan keri, y bo no sa den kico bo famia ta pasando, con bo esposa y bo yuinan ta sufriendo, dolor grandi ta drenta bo curason.

Esnan cu ta local mes ta hopi tristo, pasobra un anja mas tras di tralie, y sabiendo cu e cos no a caba ainda hopi lagrima ta wordo derama, cu awor nan tin e prome anja y tin 4, 5, 6 anja mas cu nan no por spera libertad, y na e momento ey ta experiencia con mentiroso diabel por ta, con enganoso droga y alcohol por ta. Y con falta di dominio propio y sensualidad por hiba hende te den prison.

No conta mes pa e hobennan cu ta corda riba nan mayornan, e ambiente di Pasco y Anja nobo, e salimento, e baymento di fiesta, e carinjo di mama y tata, y no lubida riba e wela cu semper ta malcrianan den fin di anja cu locual cu nan kier.

Di berdad ta bin padilanti un biaha mas cu libertad ta algo di balora, ta algo di aprecia, y ta algo pa gradici Dios pe cada dia y cada momento.

Pero tambe nos ta corda cu hende grandi tin un dicho ta bisa, ta ora bo perde un cos bo ta sinti su balor.

Palabra di Dios ta bisa lo siguiente: Pasobra pica lo no tin dominio mas riba boso, pasobra boso no ta bao di ley, ma bao di gracia.(Romanonan 6:18). Ora nos tin Cristo Hesus na prome lugar den nos bida, Nos tin cu sa cu ta pa gracia nos ta salba door di fe, y esey no ta bini di nos mes e ta e don di Dios.

Y una bes nos ta den Cristo Hesus, pica ya no tin dominio mas de nos bida, pasobra caminda e Spirito di Dios ta eynan tin libertad.

Pesey Galationan 5:19-21 ta demostra na nos cu esnan cu ta cana den obranan di carni, no ta agrada Dios y lo no hereda e reino di Dios.

Pero e mesun Galationan 5:22-26 ta mustra kico e fruta di Spirito Santo por haci den nos bida, pasobra no tin ley contra bondad, pasobra esnan cu ta pertenece na Cristo Hesus a crucifica e carni cu su pasion y deseonan.

Awor tin algo cu tur hende mester tene cuenta cune: Ta pa libertad Cristo a haci nos liber, pesey keda para firme y no sea someti atrobe na un yugo di esclavitud.

No laga nos lubida kico Senyor a haci pa nos pasobra e palabra di Dios ta bisa cu tur autoridad;

Spirito Santo, kende ta den boso, kende boso tin di Dios, y cu boso no ta pertenece na boso mes. Pasobra boso a wordo cumpra pa un preis, pesey glorifica Dios den boso curpa.(1 Corintionan 6:19-20).

Laga tur hende somete nan mes na e autoridadnan cu

ta goberna, pasobra no tin autoridad cu no ta di Dios y esnan cu ta existi ta Dios a establece nan.(Romanonan 13:1).

Como mayor laga nos haci tur esfuerso pa lanta nos yuinan den disciplina y amor di Dios.

Sinceramente, Pastor Marcel Balootje.



UN BITTER DI MAS...

POR STROBA BO DI YEGA CAS.



E
DESICION TA
DEN BO MAN

